



Concello da Pastoriza (Lugo)

EDICTO

O Pleno desta Corporación en sesión de data 29 /09/2018 aprobou inicialmente da ordenanza fiscal reguladora da taxa pola prestación do servizo da piscina municipal e das súas instalacións complementarias.

No BOP núm. 231 de data 08/10/2018 publicouse o anuncio de exposición pública da aprobación inicial da antedita norma e ao non presentarse reclamacións durante o prazo de exposición ao público, o acordo provisional adquire carácter definitivo e en cumprimento do disposto no artigo 17.4 do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais faise público o seu texto íntegro para a súa entrada en vigor.

Contra a ordenanza aprobada poderase interpoñer, recurso contencioso-administrativo ante a sala do contencioso-administrativo do Tribunal Superior de Xustiza de Galicia no prazo de dous meses que contará dende o día seguinte ao da presente publicación.

ORDENANZA FISCAL REGULADORA DA TAXA POLA PRESTACIÓN DO SERVIZO DA PISCINA MUNICIPAL DE PASTORIZA E DAS SÚAS INSTALACIÓNS COMPLEMENTARIAS.

ARTIGO 1. FUNDAMENTOS E NATUREZA

ARTIGO 2. FEITO IMPOÑIBLE

ARTIGO 3. SUXEITOS PASIVOS

ARTIGO 4. RESPONSABLES

ARTIGO 6. NORMAS DE APLICACIÓN DAS TARIFAS ANTERIORES

ARTIGO 7. PERÍODO IMPOSITIVO E DE DEVENGO

ARTIGO 8. NORMAS DE XESTIÓN

ARTIGO 9. INFRACCIÓNS E SANCÍONS

DISPOSICIÓN DERRADEIRA



Concello da Pastoriza (Lugo)

ARTIGO 1. FUNDAMENTOS E NATUREZA

En uso das facultades concedidas polos artigos 133.2 e 141 da Constitución e polo artigo 106 da Lei 7/85, Reguladora das Bases do Réxime Local, e de conformidade co disposto nos artigos 15 a 19 do RD Lexislativo 2/2004, de 5 de marzo, Texto Refundido da Lei reguladora das Facendas Locais, este Concello establece a Taxa por prestación do servizo público municipal de piscina, ximnasio, e actividades complementarias que se rexerá pola presente Ordenanza Fiscal, atendendo as súas normas ó disposto no artigo 38 do citado RD Lexislativo 2/2004.

ARTIGO 2. FEITO IMPOÑIBLE

Constitúe o feito imponible da presente taxa a utilización das instalacións de Piscina Municipal e Ximnasio e prestación de servizos complementarios nas mesmas.

ARTIGO 3. SUXEITOS PASIVOS

Son suxeitos pasivos desta taxa, a título de contribuínte, as persoas físicas ou xurídicas e as entidades a que se refire o artigo 35 da Lei Xeral Tributaria e 23 do RD Lexislativo 2/2004, de 5 de marzo, Texto Refundido da Lei reguladora das Facendas Locais, usuarios dos servizos descritos no artigo anterior.

ARTIGO 4. RESPONSABLES

Responderán solidariamente das obrigas tributarias do suxeito pasivo tódalas persoas que sexan causantes ou colaboren na realización dunha infracción tributaria, así como os coparticipes ou cotitulares das Entidades recollidas no artigo 35 da Lei Xeral Tributaria, que responderán solidariamente en proporción ás súas respectivas participacións das obrigas tributarias da Entidade.

Serán responsables subsidiarios os administradores das sociedades e os síndicos, interventores ou liquidadores de crebas, concursos, sociedades, e entidades en xeral, nos supostos e co alcance que sinala o artigo 43 da Lei Xeral Tributaria.

ARTIGO 5. COTA TRIBUTARIA

Establécense as seguintes tarifas:

CONCEPTO	€/mes (IVE excluído)
1.- Entradas e Bono	
1.1.- Entrada libre sen limite de tempo e uso	3,00 (vez)
1.2.- Entrada menores de 16 anos	3,00 (vez)
1.3.- Entrada estudante universitario	3,00 (vez)
1.4.- Bono Baño	Redución 15%
2.- Abonos	
2.1.- Individual con servizo deportivo (ximnasio)	25,00
2.2.- Individual ximnasio sen piscina	18,00
2.3.- Individual maior de 65 anos	18,00
2.4.- Individual colectivos desfavorecidos	18,00
2.5.- Individual menor de 16 anos	16,00
2.6.- Familiar (independente nº fillos)	35,00
3.- Cursos	
3.1.- Curso 1 dia semana	10,00





Concello da Pastoriza (Lugo)

3.2.- Curso 2 días semana	20,00
3.3.- Curso 3 días semana	30,00
3.4.- Curso 5 días semana	50,00
3.5.- Preparación física oposicións con P. Training	40,00
3.6.- Natación bebés 1 día semana	19,00
3.7.- Natación bebés 2 días semana	30,00
3.8.- Natación bebés 5 días semana	55,00
4.-Outras actividades	
4.1.- Rehabilitación, tarefa por sesión	15,00
4.2.- Revisión médica, tarefa por sesión	18,00
4.3.- Masaxe, tarefa por sesión	18,00
4.6.- Cursos de natación escolares 1 día semana	9,00
4.7.- Cursos de natación maiores e discapacitados 1 día semana	6,00
4.8.- Cursos de natación maiores e discapacitados 2 días semana	11,00
4.9.- Cursos de natación maiores e discapacitados 3 días semana	15,00
4.10.- Aluguer de rúas (45 minutos)	15,00
5.-Matrícula	0,00

ARTIGO 6. NORMAS DE APLICACIÓN DAS TARIFAS ANTERIORES

1. A condición de abonado adquirese tralo pagamento da cota tributaria correspondente. O abonado ten dereito á utilización da piscina, zona relax, ximnasio e sala polivalente durante todo o horario de funcionamento da instalación.

2. As tarifas fixadas para os cursos, tanto de carácter xeral ou especial, terán para os abonados, unha redución do 33%, fronte ós non abonados.

3. Enténdese por abonado familiar o responsable da unidade familiar que pode incluír ó cónxuxe e fillos menores de 16 anos e que fan uso das instalacións sen limitación horaria nin de días. Os fillos/as ó cumprir os 16 anos deberán inscribirse nunha das categorías individuais.

4. Enténdese por abonado maior, unha persoa maior de 65 anos, que poidan facer uso das instalacións da piscina municipal e ximnasio sen limitación de días nin de horario.

5. Enténdese por usuario discapacitado, cando a discapacidade sexa superior ó 33%, segundo certificado expedido por Consellería de Servizos Sociais, e coa validación dos Servizos Sociais do Concello

ARTIGO 7. PERÍODO IMPOSITIVO E DE DEVENGO

O período impositivo coincidirá, nos abonados á piscina municipal, co mes natural, devengándose o primeiro día do período impositivo, sendo as cotas irredutibles por dito período.

As tarifas que deban satisfacer os non abonados á piscina municipal devengarase instantaneamente no momento de acceder ás instalacións.

O período impositivo, nos cursos impartidos na piscina municipal, coincidirá co período de desenvolvemento do curso, devengándose o primeiro día do período impositivo, sendo as cotas irredutibles por dito período.

ARTIGO 8. NORMAS DE XESTIÓN

1.- Mensualmente, polos servizos encargados da xestión da Piscina Municipal, elaborárase un





Concello da Pastoriza (Lugo)

padrón municipal de abonados para o cobro mensual das correspondentes cotas tributarias. A falta de pagamento das mesmas ocasionará a imposibilidade de acceso á Piscina. Acumulados tres recibos pendentes de cobro, o abonado causará baixa no Padrón, debendo, no caso de nova solicitude de abonado á piscina, aboar a cota de entrada correspondente.

2.- Nas restantes instalacións e prestacións de servizos, esixirase o depósito previo do importe da taxa. As devolucións que procedan por falta de prestación do servizo por causas non imputables ó contribuínte, tramitarase polo procedemento que rexe o reintegro de pagos indebidos. Prestado o servizo, a cantidade ingresada en concepto de depósito previo será aplicada ó importe definitivo da taxa, exixíndose, no seu caso, a maior contía que resulte.

A utilización das instalacións referidas nesta Ordenanza, solicitaranse por escrito dirixido ó Concello de A Pastoriza e ao departamento correspondente, cos datos do solicitante, así como da persoa, equipo, entidade, colexio ou asociación que vaia facer uso das instalacións. Na mesma sinalarase ademais a persoa responsable do bo uso destas e data e tempo da utilización do servizo de que se trate.

Presentada a instancia, resolverase sobre a procedencia da utilización, que deberá ser motivada, no suposto que fora denegatoria.

3.- No caso de tratarse de actos ou actuacións extradeportivas por sociedades, partidos políticos ou outros espectáculos artísticos de índole non deportiva, serán resoltos pola Alcaldía, que en todo caso poderá solicitar os informes correspondentes de quen corresponda. Dita resolución sobre a procedencia ou improcedencia de concederla autorización para usa-las instalacións, será notificada ós interesados e ós servizos encargados da súa execución.

4.- A concesión das bonificacións sinaladas no artigo 5 da presente Ordenanza deberá ser solicitada polo usuario con carácter previo á prestación do servizo e informada polos Servizos Sociais do Concello. A falla desta solicitude ou a súa presentación extemporánea motivará a denegación da bonificación.

ARTIGO 9. INFRACCIÓN E SANCIÓN

En todo o relativo á cualificación de infraccións tributarias, así como das sancións que ás mesmas correspondan, estarase ó disposto ao respecto na Lei Xeral Tributaria e na Ordenanza Fiscal Xeral.

DISPOSICIÓN DERRADEIRA

A presente ordenanza fiscal, unha vez aprobada definitivamente polo Pleno do Concello de A Pastoriza, entrará en vigor o mesmo día da súa publicación no Boletín Oficial da Provincia de Lugo e comezará a aplicarse dende a súa publicación, continuando a súa vixencia ata que se acorde a súa modificación ou derogación.

Na Pastoriza na data indicada á marxe

O Alcalde

Asdo.: Primitivo Iglesias Sierra

Documento asinado dixitalmente na marxe (artigo 26 da Lei 39/2015, de 1 de outubro, do Procedemento Administrativo Común das Administracións Públicas.)

